

故宮博物院
叢刊

廣東府州縣志

共二十三冊
第七冊



故宮博物院編 海南出版社

故宮珍本叢刊第 172 冊廣東府州縣志第 7 冊(共 23 冊)

故宮博物院編

河源縣志

和平縣志

龍川縣志

永安縣次志

東莞縣志

嘉應州志

第一冊(共三冊)

海南出版社

圖書在版編目(CIP)數據

故宮珍本叢刊.第172~174冊,地理.都會郡縣.廣東,[乾隆]河源縣志、[乾隆]和平縣志、[乾隆]龍川縣志、[康熙]永安縣次志、[雍正]東莞縣志、[乾隆]嘉應州志/故宮博物院編.-影印本.-海口:海南出版社,2001.4

ISBN 7-80645-980-4

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06849 號

故宮珍本叢刊第172冊

廣東府州縣志第7冊(共23冊)

[乾隆]河源縣志 [乾隆]和平縣志 [乾隆]龍川縣志
[康熙]永安縣次志 [雍正]東莞縣志 [乾隆]嘉應州志
第一冊(共三冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路2號 郵政編碼:570216

湖南省新華印刷三廠印刷

湖南省長沙市韶山路158號 郵政編碼:410004

本書正文用紙由金城造紙(集團)有限責任公司生產

*

2001年6月第1版 2001年6月第1次印刷

開本:787×1092毫米 1/16 印張:34 印數:1-400冊

ISBN 7-80645-980-4/Z·61

定價:5000元(廣東府州縣志 52種共23冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

乾隆十一年鑄

三浙陳東園纂定

河源縣志

本衙藏板

河源縣志書序

余生平牛馬走年未弱冠
卽以桑弧蓬矢爲所有事
及壯計偕屢困公車往來
南北遊歷千萬里所過名

河源縣志

陳序一

山大川輒停車流覽詎度
不倦願借圖經而入境有
未易更僕數也丙辰秋余
奉

命來粵試可舟行章貢十八灘

頭猶未攀躋大庾也卽成

梅花詩三十五首以寄欣

慕謂夫余生三浙與炎海

同屬揚域而嶺表南交風

氣固殊岑詩云樓臺重蜃

河源縣志

陳序二

氣邑里雜鮫人柳詩云青

箬裹鹽歸崗客綠荷包飯

趁墟人三復之餘殆有足

未履其地而爲之神往焉

者况以東南一尉任囂來

鎮楚庭訖後召龍川令趙

佗以授之由是奉明詔延

陸生築觀臺拜漢闕壽登

期頤以上稱臣入貢傳爲

美談余至羊城考正史以

河源縣志

陳序三

及通志猶且蒐羅摭摭其

軼乃時時見於他說初非

欲熟於嶺南掌故也蓋好

古而深思之有如此者余

初遇陸豐廣文馬君受之

得見羅國器所輯西樵志

乃爲之校讐以授梓人未

幾承南海魏君犀文之命

輯首邑志又竊嘆粵東天

時地利之異人功物性之

河源縣志

陳序四

岐夏小正周月令未能該

括遂著廣東農譜六卷十

載宦遊恆勞毛穎管城及

待罪河源三年於茲矣陟

嶽降原周流境內舉凡天

河源縣志

陳序五

時地利人功物性所見所聞既心領而神會於是考訂邑乘重加修輯直取諸懷而予之耳矧自三年以來余倡議建文昌閣奎閣闢青雲路又倡議兩城竝治一氣貫通建鼓樓築上下城樓又定兩城必取東向之說定學宮縣署不必改作之說定瀝湖爲關係

河源縣志

陳序六

水利之說缺者益之廢者興之棄者取之悞者正之百度維新確有日進之象尤當詳而志之以示後人俾知河邑振興之機自今以始也闔邑紳士亦願重修邑志余謂延師集士團局給札意見參差校對不精徒費光陰物力其書頗不佳昔唐臣修晉書其弊

河源縣志

陳序七

坐此不若出於一人之手
爲得其實余不敏其敢惜
此公餘而負夙昔之意乎
特是縱觀前志又搜得
志嘆其失體有違史法凡
一邑之重且大者概從其
略何其疎也爰發凡起例
另標義類若網在綱仍取
舊志前志之所存者胥歸
條理廣詢博採叅以己意

河源縣志

陳序八

其文倍增于前其事悉傳
于後而河源之志以成憶
余筮仕陸豐念其爲新造
邑欲志之而未逮及遊平
遠所志多仍明季舊文因
削改以授紳士又嘗歷長
寧彼志無刻本余爲表三
忠頗加載筆厥後至德慶
與海豐惜其年久漫漶亟
欲修之而不果乃今之在

河源縣志

陳序九

河源獨慨然身任其事而力以成之也何哉蓋以嶺南百越盛稱趙佗故事梅庾之表風流令行直以老尉傳考其先爲龍川令而河源卽古龍川地相傳有趙佗故城則余之志河源也猶其志南海之微意云

爾 崑

乾隆十年歲次乙丑

河源縣志

陳序十

勅授文林郎知河源縣事浙水陳張翼楚望氏序於河源官署之新軒



河源縣志

凡例

一河源縣志無古本至明正德中邑令鄭自修始有傳書厥後僅傳抄本數帙至康熙己巳邑令王駒復修之凡八卷頗失之簡略不無訛駁雍正庚戌邑令何齊聖纂錄四本未梓及雍正甲寅邑令吳濬考訂確核採訪心勞增益過半纂成書十卷足稱善本茲多因之仍取舊志原本參考拾遺補闕頗有增損移易至于原序原例並錄簡端中有論註多存弗削惟各小序因移易篇目不得不改作也

河源縣志

凡例

一前志無圖續志圖二十有八城鄉並詳倘有借圖經而入界者一覽瞭如足為善本第河源形勝向東昔無定見廢棄老城唯以上城南向為定位是猶棄門戶而常關舍正路而弗由也余欲指明山川改定東向不廢老城聯雙城為一氣合兩江為一流因增山川形勝圖上下雙城圖縣署在上城學宮在下城俱為重地因改縣署圖及學宮圖境內山之大且要者增其圖二庶與舊圖成合璧歟

一舊志續志不載禮樂兵防水利則於國家典常地方制度頗有遺漏又以詩文附註散見削去

藝文殊失體製增志恩榮事物尤非簡要雖有成書初無義例卽其以沿革入疆輿以古蹟名墓人營建以土產入事物並須改正

一自乾隆辛酉余呈誤僑寓羊城南海令魏犀文同年囑余修成南海縣志緒就稿本付之余卽去署篆德慶量移河源而犀文又奉檄入都旋復中間相隔數載迨乾隆乙丑新正余赴省見犀文知志業竣南海令萬君卽以一部見遺余閱數過深快首邑之有完書因思河源志宜加改正且余履任三年矣雙城並治不廢老城作鼓樓作上下兩城東門城樓作文

河源縣志

凡例

二

昌閣作魁星閣作青雲路建坊諸務而東門外橋路及南門城樓行將次第舉行余與眾紳士共此謀為改定朝向氣象更新皆非前志所及載尤當增修以傳於後俾後世知河源之振興自今以始也余不揣固陋以訂正考核為己任豈徒供南海之手筆為河源之點竄耶

一河源原係古龍川故壤載考吏治自應上溯趙佗以來前志有宰蹟一帙殊為得理今仍採入考古者當尋其源不得謂荒遠在所略也至于析地分土有蹟應傳者存而弗削不得謂失于限斷也

一前志十卷不分類續志類分十卷今增改義類卷十有四悉遵

令甲細檢文案考訂通志郡志及鄰邑諸志以及羣書唯期傳信凡邑中有家乘傳詞德行節概可垂後世者並得採入以垂不朽

河源縣志

凡例

二

明正德河源縣志原序

河源惠之屬邑正德甲戌秋莆田鄭君自修令是邑越三年政務次第舉行以邑志久無完書力圖修輯公餘自任筆削屬邑庠典敎暨邑士大夫校正積以時月成書凡十餘卷題曰河源縣志乃走書幣屬予序諸首古者列國各有史官掌記時事自秦罷侯置守令史職攸廢後世郡邑志史者修之也多出於賢守令或郡邑賢士大夫無定筆也儒者有言經以載道史以載事中日此非至言也道外無事外事無道觀諸事之得失則道之離合可見矣豈有二乎哉今縣志一邑史也曰地理

河源縣志

原序

一

曰食貨曰官職曰文教曰武備曰祀典曰郵政曰選舉曰人物曰恩典曰古蹟曰藝文此其據事直書也其要有三在養民在衛民在教民其本有一在得人曰食貨地理郵政所以養民也曰武備所以衛民也曰文教所以教民也曰祀典選舉人物恩典由斯而出曰古蹟由斯而辨曰文藝由斯而裕職官得其人則所以行之者以實而道無不合職官而不得其人則所以行之者以名而離道也遠此志今既爲完書自宋元至於今數百年間其故在繼於今者必歷稽諸古某時某史此上之所以養民衛民教民者何如師其可者戒其不可者這

之弗疑行之以方則有以納斯民於阜成之地斯志之修豈曰小補之哉雖然無不同者道也不同意也神而明之存乎其人明正德丁丑谷平居士李中序

河源縣舊志序

文治之盛至今日而極矣 聖天子勵精圖治重道崇文特簡儒臣纂修一統全書令直省郡邑編輯新志河邑蕞爾亦得奉檄而從事焉嘗考成周職方氏掌天下圖籍內史掌邦國之志小史掌四方之志而志之由來久矣然志與史相類而體不同史以載事採筆者得衡

河源縣志

原序 王

三

斷其是非故子長孟堅益以論贊君子稱其有良史才若夫志也者識也記也仰觀於天而分野必詳俯察於地而疆域必晰以及山川城郭賦役學校忠孝廉節之大昆蟲草木之細無不據其實而書之以昭其盛以揚其休作者不得逞臆見而溢一詞焉此志之體也得其體而採訪必求其備考核更求其確斯稱善耳駒希心圖籍學焉未能豈敢自任編輯之事況河邑城郭遷建都苗割補舊制頗異往牒殘缺編輯尤為不易乎於是謀諸邑之紳士凡通志之紀載故家之藏書野老之傳聞廣搜博採殫精參究分類而彙集之復自檢閱其分

野氣候山川城郭古蹟物產所以明天道而察地理者無不瞭然也賦役之法一遵全書學校之制千古莫易斯亦無容置辯矣即文教之修明武備之振舉今日之善政良法奉行已久獨是仙釋之教隱恠之行足以驚世而駭俗者皆棄而弗錄不敢以異端亂正道也至於疆域土田自割補之後有待釐正節義文章當昇平之際漸有起色今書成皆得而敘及之事必錄其真詞寧近於樸何敢違體制以自文固陋乎康熙己巳年知縣王駒序

河源志序

河源縣志

原序 吳

三

析天下而為省析省而為郡析郡而為邑置一邑於天下之內蓋藐乎小矣然而有是邑必有邑之地邑之人邑之政傳之於昔沿之於今不為之志則久且莫考非但學士大夫追念往古憑弔無由而官守臨蒞茫然不得其故雖有經緯出羣之才猝投以所未習將求因時制宜隨俗利用無所措施矣彼有家者之治其家也必悉其莊田閭舍之數戶牖扇鑰之防長幼之倫敘賢不之使令與夫經費出納井井於中然後可以創為規條時其盈縮而家事就理今邑雖小視家則相去尚遠為吏者生長數千里外未識其名未歷其境一旦膺厥職

不論事之巨細皆以屬之無可諉者藉非考之於冊原原本本纖悉無遺則其地其人其政何以瞭然於心目之間而求其治是則邑之志必不可不修者也雖然但云修之有仍同未修者有不如未修者何也志以傳信在得其實前人缺略後人益之前人舛錯後人正之非欲索瘢聊為補過若一於因仍聽其訛漏它藉可證而不證也居人可詢而不詢也謂是已載者非吾責也吾第謹依歲月補其後可矣如此則吏胥可為何煩特舉此所謂仍同未修者也更有昔日之論用於今他邑之書襲於此物經遞易名既不符體本懸殊文猶相假傳

河源縣志

原序

四

信之謂何乃滋其謬也則反不如未修矣其所以然者誠有故焉作吏之身簿書紛雜不能親為校讐勢必有所假手而其人視之若無異於已淹雅者或取夸大見長謗陋者惟有勦襲了事甚且因請託為增減視賄賂置褒譏主共事者不知也有因上官檄飭勉強從事但求塞責一時未畏遺譏他口聽旁人共為利在己省費其中是非未嘗問也以此言之修纂實難乎甫至河源求志讀之不能無疑居漸久參以郡乘訪諸士人校對所紀益覺有難安者乃潛心銳志易而新之蓋政稍暇即從事焉論求其公事核其實取資舊本之中銓裁舊

本之外雖一人耳目未周心思未備而不假於人不迫於勢則自信其異於前此之修者而邑之地邑之人邑之政庶幾可得而考也不然春風為開了翻擬笑春風昔人所譏予則何敢雍正甲寅知縣吳濬亭

河源縣舊志序

凡志之所以正疆里昭規制鏡得失稽古今也綴文之士未履其地而知山川阨塞之形蒞官之吏未臨其民而識風俗人心之美故其為書也宜簡而詳宜辨而覈宜嚴體例而去支詞宜審激揚而申筆法周禮小史掌邦國之志外史掌四方之志歷代有括地寰宇等書散

河源縣志

原序

五

在傳記蓋郡邑之履近而易周鄉國之評親而必當省視乎郡郡視乎州縣職方依為權輿史氏取為嚆矢也不綦重與後人纂述躋駁日出至乃採杜若于芳州區曲江于邗上魯田與奪凡楚存亡若斯之類過日取憎昔太冲有言美物者貴依其本讚事者宜本其實匪本匪實覽者奚信此亦作志者之鑒乎我

朝

列聖相承重熙累洽幅輿彌廣治化日隆

今天子御極以來海內清宴

特命儒臣纂修一統志復

詔直省郡縣各修志書進奏以備採擇膺斯役者是必考核

詳審去留殿最極之毫黍寓勾股於筆端運指掌於簞內使綴文之士無疑逕庭蒞官之吏不眩裏城則得矣河源志邑令吳君所作也余試潮過之以序來請船窓無事一為流覽敘疆輿則稽道里而齊參錯載學校則及院館而宏教育紀人品則先賢達而後經濟傳職官則附宰蹟而寓去思刪雜志於終篇臚統文於各類仿安陵之十志緝一家之成書以正疆里若指錐也以昭規制若觀火也以鏡得失若縣鑑也以稽古今若列眉也上備

河源縣志

原序 王

六

西清之叅考下資南國之据依集古人之衆美而去今之臨窳可謂不愧作者已吳君為鄉前輩館卿先生令子博學篤行以察舉孝廉入仕自博羅移令茲邑方有聲於粵此志乃其善政之一斑云雍正乙卯廣東廣韶提學王丕烈序

河源縣舊志序

古稱窮愁著書垂文以自表見然則旁搜遠紹毅然以修明為己任者閒曠者之所為也苟有吏事之責簿書之煩則其勢有所難兼夫錢穀訟獄案牘堆積一人之身而考成之目以數十計疲精殫神思慮眩其中耳目

亂其外以烹幾奉職無過至於史乘文獻之林非獨不能修也寓目留覽者亦十不一得焉吳君之為河源也若行所無事而百務具舉士民安之先是奉

詔纂修通志檄縣編輯而河邑之志始自正德丁丑年遠無

存其纂于康熙己巳邑令王君者又皆錯謬缺略未足示信吳君自前事者後事之師也其曷可不修于是蒞政之暇即潛心銳志操管吮墨復資舊本之中鑒裁舊本之外焚膏繼晷絕不假手於一人凡六閱月而訖事書成余披而覽之見其芟繁去譌事核而詞質雖古之窮愁著書者其精析無以加焉吳君其可謂賢矣以作

河源縣志

原序 周

七

吏之身而親校讐之事才長學裕兼人之所難兼夫登條碌簿領之吏所可望歟昔朱子守南康時先問郡志君子謂其知所務也今之慎重纂集既不諉於人又不迫於勢其亦紫陽之意乎夫天下民物主之者君四海廣遠必任之人一方得人則一方之庶政以興風俗以正山川以寧品物以生志也者蓋欲其輔相裁成因俗為治以為化成一助也吳君長養噢咻磨礱遷革之勤已非一日故因時制宜隨俗利用賦者均而訟者平黨庠術序之間彬彬可觀久得夫為志之本然後以其餘閒修殘補缺勒成一書上以彰大順之世海濱僻壤

翕然同風下以記山川風俗文物典章信今而傳後永
為致治之資所謂為政在力行不貴多言又豈僅以文
章飾吏治也哉雍正乙卯惠州郡守周天成序

舊志凡例

一河源惠郡屬邑也明崇正六年因九連山多盜始建
連平州治直隸虔撫兼轄河和自

國朝定鼎連平河和俱屬惠郡州縣無所統轄矣

一邑之山川關隘古蹟今缺疆域之內者悉編入志其
隨忠信兩屬割附連和者茲不復載

一舊志所載社學書院祠祀坊表今所存者不過十之

河源縣志

原序 凡例

八

一二茲必備編以俟修復

一戶口貢賦前代載其總額至于

國朝會計則照賦役全書開列前提其綱後晰其目編輯

詳慎無敢混紊

一選舉之必詳所以表一邑人文之盛也止列其姓名

敘其科第紀其爵秩而已若其祖孫父子相傳之世

系伊各有家譜志中何必贅入

一名宦鄉賢其德業炳炳烺烺行昭昭者列傳表彰固無

遺闕卽秩官紳士有善必書惟于踰閑敗檢之事俱

置弗錄蓋以志法崇褒美以宣化不同吏法兼貶惡

以垂戒也

一藝文必先 制誥所以尊 王言也其記序詩文惟

擇與地方相關者始為選編若咏物感懷祝賀贈答

之詞先達名賢自有文集無庸載之于志

一舊志所遺者抄本數帙而已殘缺錯訛無從核正纂

輯維艱于是考之通志訪之舊家博採廣搜彙為全

集分為八卷登志務求其確無徵寧闕其疑共事較

編者則邑之明經鄭奕俊文學李希邑關麟錫之功

居多也 以上王志凡例附存

舊志凡例

河源縣志

原序 凡例

九

一茲如於正德丁丑邑令鄭自修年遠無存本矣國初

有為之者未及刻康熙己巳邑令王駒復纂之鐫板

猶在雍正庚戌各憲奉

詔纂通志檄縣編輯邑令何齊聖修繳亦不付梓茲閱已

刻未刻諸本類多訛舛未足示信 不揣鄙陋竊欲

訂而正之案牘之暇常焚膏繼晷手自採錄凡六閱

月而告成

一邑志者郡志省志一統志之所由肇端也錯謬缺略

將何所憑茲故慎重其事不輕筆以沿訛亦不擅更

而失實悉心訪查務其詳確言之無文所不計矣

一輿圖列諸卷前先總縣境次城郭次各約計里分界
一目了然與身歷無異

一昔之作志者大率詳於城而略於鄉雖事勢使然終
多遺憾茲令各約分考山川寺廟勝迹遺文及潛德
未顯者填冊繪圖以資採擇又恐未的再四詢訪或
因公移躬履鄉曲按籍求之必符合乃敢登載

一纂輯必重義例有條無綱散亂難統今共爲十志毋

一志爲一卷類括衆目庶使查閱便易

一河邑之山水多而且秀舊載者纔十之一耳是編庶
幾略備

河源縣志

原序 凡例

十

一縣境產礦山場所當防範不可無攷附詳疆輿之末
一學校不人營建志者重其事也其中典制逐一查載
一舊志於現祀名宦遺去四五人此過之大者也今神
牌猶在省郡各志可考仍得增入鄉賢亦有遺者但
無徵不敢擅補

一舊志賦役雖照全書而條列不明使覽者墮五里霧
中敝精苦神不得要領又中間欵項屢奉裁易以現
在之數合之多所齟齬今盡廓榛莽據實開陳務使
明顯昭合而後已體自稍變而事無擅更也

一凡志必傳名宦顯傳乃史官之體非鉅筆不能死事

既不詳稍存大概傳云乎哉今卽舊所有者續以近
口所訪題曰宰蹟附於職官後期不沒良吏之實而
已

一國家於各學生中論其食廩之次第歲貢成均給以
旗匾題明學校亞於科目與恩拔副榜無異故不可
不載若由納粟而得者似不應混人取而汰之異於

舊本

舊本選舉內列入國學生竊思國學與鄉學地雖不
同而其爲諸生則一也何選舉之有若國學登志則
庠生安得獨遺宜概從減省

河源縣志

原序 凡例

士

一舊本不編爵秩註於選舉各姓名下有身歷數職
舉最後一官本嫌疎略况今例捐貢監業已刪汰倘
其人有膺爵者并無由附註矣故於恩榮志中另列
一條

一人品分爲九類因其人以定其名適符班志之數非
有意倣倣也外附寄寓數則俱係新增

一人品內舊有者十之七新增者十之三然於舊有之
中或考據他書稍爲修飾不盡仍原文也

一風土一卷惟方言爲府志所有餘皆習久諳悉據實
直書不由因襲

一邑事考據增人數倍於舊物產則全係訪補昔未有也

一藝文分附各條之下不取另編其無可附者必於志無所關者也省之可矣詩歌更不能多載擇其稍近風雅者存之

一邑中文獻蓋寡凡所纂輯有未悉原委者賴國學生鄭君開景條分縷晰而備陳之輔助之功不為淺也以上吳志凡例附存

纂修姓氏

鄉進士文林郎知廣東惠州府河源縣事浙江陳張翼手纂

河源縣儒學教諭東莞尹報達

河源縣儒學訓導茂名黎瑞圖

原任河源縣儒學訓導海陽周鼎銓分編

河源縣典史汾陽李文毅督理

邑人

壬子科舉人韶州府英德縣教諭蕭維漢

甲子科舉人岑紹參

壬午科副榜瓊州府定安縣儒學教諭湛廉

河源縣志

姓氏

一

瓊州府瓊山縣儒學訓導鄭開來

嘉應州儒學訓導劉元俊

韶州府曲江縣儒學訓導藍秉仁

拔貢生鄭開暉

葉時壯同校

貢生李繼

黎紘芳

蕭文藻

黎紹曾

張衍亨